

Kollektivfelt på 4-felts innfartsårer - spørsmål frå Marthe Hammer.

Marthe Hammer (SV) har stilt slikt spørsmål:

Bystyret i Bergen og Hordaland Fylkeskommune har vedteke at det skal innførast kollektivfelt på firefelts innfartsårer inn til Bergen. Bussen har også framkommeligheitsutfordringar på andre viktige strekk inn til Bergen.

Spørsmål til samferdsledirektøren

- Kva er status for innføring av kollektivfelt på firefelts innfartsårer inn til Bergen.
- Kva er status for innføring av kollektivfelt på andre viktige innfartsårer og bussruter inn til Bergen og i Bergen.

Svar på spørsmåla frå påtroppande fylkesdirektør for mobilitet og kollektivtransport:

Statens vegvesen har engasjert konsulent som greier ut ulike variantar av omfordelt bruk på 4- felts innfartsårer til Bergen. Det vert mellom anna sett på kollektiv-, sambruks- og tungbilfelt (3,5t). Rapporten er venta ferdigstilt omkring 1. april 2020.

Kollektivgruppa i Miljøløftet ser på fleire strekkingar kor det er ynskjeleg å etablere kollektivfelt, eller å gje anna form for bussprioritering. På dei fleste aktuelle stadene så må det utarbeidast reguleringsplan. Det er for tida ikkje prosjektering eller bygging av nye kollektivfelt i Bergen.